

2025
968

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo ✓

16-03-2026

01.04.2026 7593-22

n/r Predsjedavajućeg Skupštine Kantona Sarajevo

Uputiti: Ministarstvo za boračka pitanja Kantona Sarajevo i JU Memorijalni centar Sarajevo

Predmet: Inicijativa za organizovanje proljetnog čišćenja i uređenja šehidskih mezarja na području Kantona Sarajevo

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da **Ministarstvo za boračka pitanja Kantona Sarajevo, u saradnji sa JU Memorijalni centar Sarajevo, organizuje sveobuhvatnu akciju proljetnog čišćenja, uređenja i sanacije šehidskih mezarja na području Kantona Sarajevo.**

Naime, šehidska mezarja predstavljaju mjesta trajnog sjećanja na borce i šehide koji su svoje živote utkali u odbranu države Bosne i Hercegovine. Očuvanje dostojanstva ovih mjesta predstavlja trajnu obavezu institucija i društva u cjelini.

U proteklom periodu evidentno je da su **pojedini nišani na šehidskim mezarjima oštećeni ili djelimično uništeni usljed vremenskih prilika, protoka vremena i drugih prirodnih faktora**, te je neophodno pristupiti njihovoj sanaciji i obnovi kako bi se sačuvalo dostojanstvo i izgled ovih mezarja.

S tim u vezi predlažem da nadležne institucije:

1. Organizuju **proljetnu akciju čišćenja i uređenja šehidskih mezarja** na području Kantona Sarajevo.
2. Izvrše **detaljan pregled stanja nišana i prateće infrastrukture** na šehidskim mezarjima.
3. Pokrenu **program obnove, rekonstrukcije i zamjene oštećenih nišana** koji su oštećeni usljed vremenskih prilika i protoka vremena.
4. Izrade **plan kontinuiranog održavanja i zaštite šehidskih mezarja**, kako bi se dugoročno osiguralo njihovo dostojanstveno stanje.

Cijeneći značaj kulture sjećanja i obavezu društva da njeguje uspomenu na šehide i poginule borce, smatram da je potrebno da nadležne institucije u narednom periodu pokrenu navedene aktivnosti i o poduzetim mjerama informišu Skupštinu Kantona Sarajevo.

S poštovanjem,

Sebija Izetbegović

[Redacted signature box]